



受宜堂宦遊筆記卷三十九目錄

西陲一

古今邊界

賀蘭山

天山關

黃河源

附記泉

大通河

青海

河套

附記

石油泉

氏置水

嘉峪關

玉門關

陽關

安西廳

沙州衛

赤金衛

柳溝衛

巴里坤

居延城

受降城

勝州

坤都魯

受降城 卷三十六 目錄

受宜堂官遊筆記卷三十九

納蘭常安履坦著

男珉全校

琇

琦

西陲一

古今邊界

邊外皆胡也。胡安則邊安。邊安則天下俱安。蓋種類極多。闊野無際。亦勁敵矣。當唐虞之際。未嘗如後世之遠斥堠。阻甲兵以守者。果聲教之遠。被流沙歟。抑

葦息未蕃。知識未開。歟。迨後世漸相陵犯。秦築長城。因河為障。塞此邊陲。所自立也。秦地長城起臨洮。達九原。上郡則外棄河西地。乃雍州故壤。秦之塞亦狹小矣。漢武置河西郡。且開西域。遠出玉門萬里外。置都護。唐亦因之。二代幅幘。可謂廣矣。其苦心勤勞。深維久長之計。固未可以侈功好大。譏之下。逮於宋。舉長城故塞。多棄而不能守。遠不逮秦。無論漢唐及明。興使耿炳文收河湟。馮勝取甘肅。而於嘉峪關。畫以玉斧分界華夷。其燉煌數千里。委之外藩。不知玉關

陽關者。安在。遑問都護長史之置。然較之秦。則已過之。迄於中葉。失東勝。而秦漢唐之沃野千餘里。在河山之內。所謂河套者。公然為穹廬。時勢異宜。故歷代封疆異界。明不同於古。猶今之不同明也。我

朝

定鼎以來。東起山海關。外三鎮。兩輔。西至嘉峪關。外安西。哈

密緣沿道路。數萬餘里。其塞或山。或河。或流沙。或長塹。因其地勢險夷。要隘分之。為衛。為所。為關。為城。為莊。為堡。為鎮。為營。為路。為口。文則設置道府縣令。佐

官遊筆言 卷三十一  
雜武則提鎮副參裨偏末職荷戈帶甲之士不可勝數且寧古塔黑龍江

盛京歸化西寧涼莊各設將軍副都統協領佐領以統轄旗兵開擴已極措置甚周猗歟盛哉豈漢唐元明所可同日語哉且我

列聖憫念異域化及邊庭由東而北由北而西直至二藏廣衰數萬里種種部落向化投誠凡有役使無不効命恐後於是選其素行優著授以親王貝勒貝子公爵按季食俸凡有災侵饑疫蕩產失業者無不發帑濟

之撫外域如中華視胡虜如赤子矣豈特柔遠而已哉然未肯以已安者而遂忘危馴致者而不防範是以

聖慮神謀日屬邊庭內外諸臣兢兢為事所謂有備無患寧非邊安而天下俱安哉

氣宇整瞻絕似扶風 陸成岑敬評

### 賀蘭山

賀蘭山在寧夏城西六十里東連河套西通西域南障朔方北引沙漠延亘五百餘里高出雲表雪霜凝

積盛夏而後融。按舊史。林木青白。望之如駁馬。蒙古呼馬曰賀蘭。因以爲名。今蒙古呼馬爲摩林。與賀蘭之音不類。則賀蘭之名。山當別有義在也。山巔梵刹百許。元昊有避暑宮。皆化爲頽墻墮墉久矣。山後者在賀蘭山麓西北地。其地甚寬。不可以一處名。但統言山後而已。此賀蘭山爲寧夏北屏。自古爲中國地。唐詩夜半火來知有敵。一時齊保賀蘭山。即此。明初大將軍徐達帥師出安定。與王保保戰。大敗之。獲馬萬五千二百八十餘匹。駱駝驢騾雜畜。稱是保保僅與其妻子數人。從古城北遁去。至黃河得流水以渡。遂出寧夏。歷賀蘭山。奔和林。其後朔方樵牧於上。至中葉無復登山者。西北之麓有穹廬也。悉係部落。今巢穴於茲者。隨處而有。不獨山後已也。

天山

天山在哈密北一百三十里。高十五里。廣六十里。冬夏積雪。一名雪山。一名南山。蒙古名扎爾麻漢阿林。漢以李廣利爲貳師將軍。將二萬騎出酒泉。擊右賢王於天山。斬首一萬而還。遂置戍。已校尉於天山軍。

橫亘三百里。貞觀十三年十二月，太宗以侯君集爲  
交河大總管，將兵擊高昌國王麴文泰。十四年夏五  
月，君集滅高昌，以其地爲西州，立碑於天山。今碑字  
尚未磨滅。蒙古名其處曰棵碩兔，猶漢言碑也。龍朔  
二年三月，高宗遣鄭仁泰、薛仁貴擊鐵勒九姓，其衆  
十萬，拒於天山。選驍健者數十人挑戰，仁貴發三矢，  
殺三人，餘皆下馬請降。軍中歌曰：將軍三箭定天山，  
壯士長歌入漢關。即此內地之祁連山、呼天山、雪山、  
南山，同名異地，相去二千餘里，今人合稱爲一。

### 黃河源

黃河合流之水不一，而以星宿海爲源。蓋源大而遠  
者也。前古諸儒援摭雜說，未能親歷目擊，以致紛紜  
舛訛。咸稱河出崑崙陽紆陵門，及于闐蔥嶺，罔所折  
衷，向竊疑之。安敬讀

聖祖仁皇帝上諭：黃河之源出西寧外枯爾坤山之東，衆泉  
渙散，不可勝數。望之燦如列星。蒙古謂之敖敦他拉，西番  
謂之梭羅木，中華謂之星宿海，是爲河源。滙爲薩陵、鄂陵、  
二澤，東南行折北，復東行，由歸德堡、積石關入蘭州，由是



知河源之入中國者如此安又敬讀

御製格物篇載黃河發源星宿海後人以星宿之名疑黃河

從天上來非也朕嘗遣侍衛西窮河源至星宿海蒙古教

敦他拉地上飛泉雜湧成水泡千百從高望下大小圓點

燦如列星故名星宿耳由是知星宿海之得名又如此是

千古錯出莫辨者經

聖明一言而論定伏惟

天章函蓋八埏昭垂萬禩朗如日月經天傳信於後俾懷疑

者得所考証渙然以釋矣惟是我

聖祖於親征噶爾丹戎馬軍興之時尚有餘暇兼博考於山

川名號廣詢方言務得其正故遣使親歷目擊詳求

而番漢異同又加

睿思核明仰見

聖學同天無所不覆豈易及哉

附記

按塞外之水皆西流而黃河自極西而東趨內地由

內地復流邊外至湖灘河所由河口仍入內地則知

天地之氣東西旋轉一脈如環包於域中者皆同域

官遊筆言 卷三十一  
之人。不得以塞內外分彼此也。且河源盤折九千餘里。東西細流縷注。不可勝紀。正所謂河海不擇細流。乃成其大。惟

聖諭詳示為確。昔王鑿嘗言。張騫使西域最久且長。東漢重

譯奉貢。遠通數萬里外。未覩所謂崑崙者。而元使得之。似未足信。不知東漢重譯來貢。惟大夏月氏安息諸國。其地未嘗近崑崙。崑崙之外為朶甘思。自明時始入貢。前古又烏能知之哉。我朝邊徼遐荒。盡入版圖。於以悉河源之正。無容滋訟也。

### 大通河

大通河即浩疊河也。源出祈連山永通川。在西寧之西北。酈道元水經註云。閣門河即浩疊河也。出西北塞外。東入塞。經燉煌。酒泉。張掖。郡云。按酒泉。張掖二郡。南北之水皆西流。燉煌則又西矣。張掖高聳如脊。東西北皆下水。流向。下豈燉煌逆流而使在山乎。酈說未確。且浩疊源出永通川。其迹見在。非無可考也。或在閣門。音相同也。大通亦謂之永通。義相同也。河源在萬山內。特開曠平行。水不甚深。其地可耕。其山

可。牧。夏。涼。而。冬。溫。羶。裘。之。君。長。在。焉。蒙。古。所。居。皆。施。羶。帳。隨。水。草。逐。畜。牧。遷。徙。無。定。處。惟。河。源。蒙。古。伐。木。為。棟。斷。木。為。椽。于。茅。覆。屋。蜃。灰。以。飾。墁。有。居。室。之。規。河。源。之。間。號。名。流。亡。種。殖。麥。豆。既。種。深。耕。牧。羊。孳。馬。為。富。強。之。資。焉。

青。海。

西。寧。即。古。湟。中。其。西。四。百。里。有。青。海。亦。曰。西。海。一。名。果。禾。羶。海。水。草。豐。美。番。人。環。居。之。專。務。畜。牧。日。益。滋。盛。素。號。樂。土。世。傳。海。有。龍。冰。合。縱。牝。馬。於。上。或。牧。海。

岸。可。得。龍。種。云。海。岸。皆。有。水。草。乃。西。寧。之。西。百。谷。之。水。所。注。也。明。正。德。間。蒙。古。部。酋。亦。不。刺。阿。爾。禿。廝。獲。罪。其。主。擁。衆。西。奔。據。青。海。番。人。失。其。地。并。為。所。役。屬。而。內。地。海。氛。亦。自。茲。始。亦。不。刺。居。海。上。二。十。餘。年。其。黨。卜。兒。孩。獨。向。化。求。帖。木。哥。等。屬。番。來。納。款。未。許。有。河。套。酋。吉。囊。西。掠。大。破。亦。不。刺。營。收。其。部。落。去。惟。卜。兒。孩。稍。自。保。後。寇。勢。漸。衰。番。人。亦。漸。復。業。乃。設。衛。治。之。時。俺。答。猖。獗。又。羨。青。海。攜。子。賓。兔。丙。兔。襲。其。地。卜。兒。孩。竄。走。隆。慶。中。俺。答。納。款。受。封。修。貢。惟。謹。二。子。亦。

知歛戢有切。盡台吉者，俺答從孫也。以假迎烏斯藏活佛，欲侵瓦刺，與其弟火落赤及俺答庶兄子永邵卜，遂留青海。而丙兔又率眾掠番，守臣檄切盡台吉責之，始引罪服。及俺答卒，傳至孫扯力克，勢不能制，以致永邵卜部眾有闖入西寧者。會丙兔切盡台吉皆卒，丙兔子真相移駐莽刺川，火落赤移駐捏工川。逼近西寧，蠶食番族，於是番不能支，則折而為寇，用扯力克又西行助之，勢益熾。嘉靖十八年，洮州副總兵李聯芳禦之，軍盡覆。臨洮總兵劉承嗣與遊擊孟孝臣亦敗績。西陲遂大震，事聞，命尚書鄭洛出經略。雖大布撫番，歸附者不絕，而青海復聚番族至八萬餘人，終為諸酋侵掠。終明之世，未有寧息。番有生熟二種，生番獷悍難制，熟番納馬市茶，頗柔服，祇惜地產富饒，易起寇掠，而邊臣失守又多，積弱之勢。此非明初甫定關中，制郡拒胡本意也。

朝

德盛化神。宣威奮武。靡不底定。丙子歲。

聖祖仁皇帝親統六師。出征噶爾丹。青海部落扎什巴圖兒。

奉命惟謹是以

特旨封為親王兄弟八人恩施普被乃羅卜藏丹津自策妄

阿喇布坦跳梁後遂與同黨吹拉克諾木齊等首造

逆謀侵犯邊界甲辰歲

世宗憲皇帝聲罪致討渠魁就俘青海永告昇平矣

河套

河套古未有名也有之自明始戰國屬趙秦為河南  
新秦漢置郡領縣十晉末赫連氏據之隋改勝州榆  
林郡更築長城唐初破突厥以處頡利之來降者置

六州後張仁愿築三受降城五代及宋遂建國為夏

元滅夏置中書省謂之中興路明初敗元將於察罕

腦兒逐王保保於此築城為東勝州地在黃河南自

寧夏至偏頭關延袤二千里饒水草外為東勝衛東

勝而外廣土平行後東勝不守以曠絕內徙至是韃

靼部長孛來與毛里孩等先後侵掠而邊事以棘時

孛魯與斡羅出合別部札加思蘭孛羅忽亦入據河

套於是議築邊牆烽燧不熄套地盡棄敵去復來迄

成化末無寧歲會北部亦不刺入套有火篩相倚為

強擁衆入大同寧夏卒不可制王鏊乃建策禦敵嘉靖十二年吉囊擁衆屯套明年由花馬池入犯迨吉囊死諸子狼台吉等散處河西而俺答獨盛凡延綏諸境又歲遭虔劉二十六年總督三邊曾銑擣敵巢於馬梁山。大敗之。遂議復河套。大學士夏言力主其說。既而帝意中變。言與銑竟獲罪棄市。由是廷臣不敢言復套事。而敵益逞矣。未幾俺答移駐威寧潰墻。入直抵通州。四掠畿甸。大震仇鸞。以兵至勤王。拜大將軍。敵敗走。由古北口出塞。時鸞方用事。議開馬市。

兵部郎中楊繼盛爭之。疏上不能止。自馬市開而河西諸部內犯無已。邊患如初。乃罷市。隆慶間侍郎王崇古請封俺答為順義王。及昆都力哈。黃台吉與賓兔台吉以次受職。西塞因之稍寧。俺答死其妻哈屯率子黃台吉上表請襲。又得三孃子者。俺答所奪之外孫女而為婦者也。黃台吉嗣為妻。黃台吉死子捨力克又配合之。以一婦而歷三王。然心切慕華。主兵柄。能為中國守邊保塞。封夫人。自是宣大至甘肅不用兵者二十年。後邊臣王見賓請詔復套。部貢市總

督徐三畏言套部分四十二枝各相雄長不宜復市仍須主戰然已許宰賽及火落赤部貢市矣以此套部仍數犯四十四年總兵杜文煥數破套部猛克什力等於延綏火落赤等皆懼請執貢其後河套多為別部所吞未有世守蓋以正德後邊備廢弛聲靈不振積弱之患邊境之禍遂與明為終始及我

朝大兵所向皆知斂戈戢甲投誠順義後先歸附於是

撫綏與防範兼施明時分套為兩大部以榆林寧夏為界今分六大部而統號之曰鄂爾多斯

聖恩綏遠咸封王受公爵月有俸餉其色目各有差內衛

燕都外禦荒徼凡有征討一任調遣効力用命惟恐不前而畏

威懷德絕非前代之跳梁者比可以規制馭之方而識截服之盛矣

附記

按今之套胡引弓之士不滿萬騎見漢人鮮衣怒馬輒畏懼不敢仰視往來衛城外必熟睡睡不擇地倚墻藉草身盤曲鼾聲出兩膝上百十人中無一壯大

官選年言 卷三十九  
如漢人者以故積弱不能自振日恐為西羗所吞併  
我

朝卯翼之得以保全無恙伏讀

聖祖仁皇帝諭旨塞外情形不可臆度必身歷其境乃有確  
見明時為恢復河套議論紛紜致大臣夏言曾銑受戮自  
朕觀之此地無甚關係若控馭蒙古有道則河套雖為所  
據安能為患控馭無道則何地不可為亂蒙古遊行之地  
防之不可勝防專言收復河套亦何益乎仰見  
聖明指形勢而示嘉謨誠洞悉前明之失而撫馭之宜得其

方自在

恩威之並施也。并以知套胡今日之柔服與昔時大勢懸  
絕如此。

篇中形勢始末詳明洞徹而文脈首尾一片不見  
提頓鈎貫之迹叙體中之最古者也。陸成岑敬評

石油泉

赤金東南一百五十里有石油泉。油生水面如肥脂。  
色黑氣臭。土人多取以燃燈。極明可抵松膏也。或云  
可治瘡癬。按此即古之石漆也。漢書注延壽縣南有



官遊筆言 卷三十一  
山石出泉。美。美。如。不。凝。脂。燃。之。極。明。不。可。食。縣。人。謂。之。石。漆。筆。談。鄜。延。脂。延。安。石。油。也。生。於。水。際。沙。石。上。土。人。以。雉。尾。裹。之。入。缶。中。頗。似。漆。燃。之。極。明。又。元。和。志。有。石。油。泉。在。玉。門。縣。東。一。百。八。十。里。泉。中。有。苔。如。肥。肉。燃。之。可。代。燭。周。武。帝。宣。政。中。突。厥。圍。酒。泉。取。此。油。燃。火。焚。其。攻。具。突。厥。以。水。沃。救。火。愈。熾。蓋。水。火。不。同。性。而。茲。且。有。資。於。火。物。理。之。不。可。推。者。然。詩。曰。我。思。肥。泉。其。亦。有。所。自。矣。

氏置水

氏置水。俗名黨河也。漢志龍勒縣有氏置水。出南羗中。東北入澤。溉民田。五代史沙州西渡都鄉河。即此。按沙州志云。黨河源自南山。來北流。繞城東。而西。即氏置水。今分為五大渠。餘流乃從黃墩北去。與古異。

嘉峪關

嘉峪關。即壁玉山。在赤斤蒙古南。亦漢燉煌郡地。明初酋長鎖南吉刺思遣使入貢。為置罕東衛。因收河西地。而以關為中外巨防。此河西之極西。譬之吐舌之末也。是以西域納貢。必由於此。嘉靖十八年。土魯

官遊事言 卷三十一  
番數侵哈密闌入內地遂閉關絕西域貢尚書翟鑾  
行邊議添墩臺以為保障起卯來泉之南訖野麻灣  
之東北隆慶二年總督王崇古以關三面臨戎勢甚  
孤懸又設守備禦之今我  
朝扼要據險添設遊擊壓以重鎮防守之嚴可謂密矣  
關下有泉名九眼泉冬夏澄清不竭山上有石纒粟  
似玉可以作硯

### 玉門關

玉門關在沙州西北漢燉煌郡地武帝通西域自酒

泉列亭障至玉門班超但願生入玉門關即此今關  
去赤斤蒙古衛不遠按玉門關有二漢書註在龍勒  
縣後光武時閉關却貢置縣於酒泉亦曰玉門關故  
石晉高居誨使于闐記肅州渡金河西百里出天門  
關又西百里出玉門關蓋指玉門舊縣也玉門縣去  
關門七百里許今其遺址已邈不可考矣然關與縣  
一在沙州一在酒泉雖均屬古蹟不可不辨

### 陽關

陽關近鳴沙三危元和志陽關在壽昌縣西六里因

居玉門關之南。故曰陽關。阨西域之要途也。高居。誨記出玉門關。入吐蕃界。西至沙州。南十里。鳴沙山。又東南十里。至三危山。西渡都鄉河。至陽關。則陽關東至肅州。一千三百里也。過此以西。皆鹼磧。無水。而白風陰號。眯目觸鼻。令人涕泪不悲。而下人渴不得飲。則掘地取濕沙。置之胸中。以沁心脾。其地本絕漠。人跡不到之境。而迢然遠去。宜昔人之歌陽關也。

### 安西廳

安西廳在春秋戰國時本西戎地。秦及漢為月氏匈奴所據。武帝置燉煌郡。領縣六。晉屬晉昌郡。領縣八。

後魏為燉煌常樂二郡。後周併六縣為鳴沙縣。又併四縣為涼興縣。隋開皇初郡廢。大業間仍復之。唐置瓜沙二州。後陷於土魯番。大中五年沙州首領張義潮以瓜沙十一州地來歸。宋初仍為回鶻所據。景祐中元昊襲回鶻取瓜沙。盡有河西之地。元初立瓜州屬沙州路。明為赤斤蒙古沙州二衛。成化後土魯番侵掠。正德中徙肅州塞內。嘉靖三年閉嘉峪關。其地遂為土魯番所有。我

朝

定鼎西夷

向化瓜沙以西盡入版圖雍正元年經理關西置安西同知駐布隆吉領安西衛沙州所三年升沙州為衛并柳溝亦升衛統隸安西廳雍正六年軍機大臣議

奏另建安西鎮城於大灣地方西安總兵改設提督安西

文武並居一城屹為重鎮雍正十一年安西廳移駐瓜州設安西兵備道轄之瓜州城在安西城西南三十里有東西二門設叅將統領員弁兵丁以資彈壓

兵備道專理回民屯田水利其安西估造衙署兵房於乾隆七年始行告竣開疆展宇永固金湯知策畫創基原非易易也

沙州衛

沙州屬古燉煌郡元時為沙州路明初置衛所以屏蔽西陲也後以土魯番侵擾遂廢棄之城南七里有鳴沙山凡山之萃律皆積石為之而此山獨積沙為峰巒如刀刃人登之輒鳴冬夏亦時有聲如雷從沙際出其地遠控極邊孤懸天末西北直抵哈密東南

官邊筆言 卷三十一  
藉屏青海形勢險要我

朝康熙五十四年夷酋作逆討平之設赤金靖逆二衛所雍正初大將軍岳鍾琪

奏安西當邊陲適中之地建立安西鎮於是沙州隸焉現分汛巡防與瓜州為一鎮兩大輔唇齒依倚襟帶鞏固有大小紅大小沙諸溝產金砂鉛錫硫磺田禾歲止一收間種麻穀惟麥稞居多引黨河之水以資灌溉耕者田畝遠離城郭朝暮奔馳不便是以春冬之交挈家往來轉徙終歲勤勞然土沃物饒商民輻輳

諸衛中殷富必稱沙州焉

### 赤金衛

赤斤蒙古衛明初因蒙古部長塔力尼來歸為設衛賜印今作赤金在肅州西三百餘里出嘉峪關西行二十里曰大草灘又三十里曰黑山兒又七十里曰回回墓西四十里曰駙馬城由駙馬城八十里即抵衛城漢之燉煌晉屬晉昌唐瓜州元因之屬沙州路其地東接三顆樹西連苦峪城有河亦號赤斤湖饒水草滋蓄牧正德間土魯番據哈密大掠赤斤奪其

印去其後雖撫存之不能自存乃內徙而城遂空嘉靖閉關後不復經理部落益散我

朝因征策妄阿喇布坦於此駐兵設屯安插民戶更為之築城添堡而西陲屏蔽如故按赤金東北湃帶湖花海子一帶西至靖逆之哨防營布魯湖等處直通北套阿濟必濟之路曠野緜遠經大臣請添墩臺一十八座仍改衛治復設守備千總二員以為彈壓今遠近疎密回環瞭望聯絡扼塞惟此為最要云

柳溝衛

今之柳溝即明之赤斤蒙古地也在漢時為燉煌郡淵泉縣晉改深泉分置晉昌郡周併入涼興縣唐瓜州陷於吐番宋入西夏元屬沙州路明因土魯番所據築苦峪城距窟窿河三十餘里至肅州四百里其地多檉柳有水泉東則十道柳溝古稱榆關柳塞及柳中柳城殆即其地之最夥者指以命名耳嘉靖間為土魯番蹂踐閉嘉峪關內徙衛遂廢我

朝撫其部落來歸者日盛初設柳溝所於四道溝建築城堡兼設柳溝通判於布隆吉雍正五年復建安西

官遊筆言 卷三十一  
鎮於大灣陞柳溝爲衛隸安西營弁有守備千總二員防禦而雙塔橋灣等堡皆屬焉明年奏於舊城東接築新城周圍計長一百四十四丈有南北二門南曰廣源北曰平遠經營善後永靖海氛蓋亦有名稱其實者較前明之規模同一衛也而籌畫遠矣

### 巴里坤

巴里坤一名巴爾庫爾在哈密北其地以天山爲界山之陽爲哈密而山之陰爲巴里坤明舊志北山有小列禿埜七克列數種強虜時侵哈密我

朝康熙五十四年西征策妄阿喇布坦屯兵於此雍正九年議於西北兩路卡倫外各建築一城以扼其要南百里有南山蒙古呼爲達坂峻極難行八月以後冰雪凝沍盤運甚艱後隨山開道數十折自麓至頂欄楯俱備人甚利焉按肅州新志月氏者本行國也逐水草遷徙居燉煌祁連間被單于破滅衆乃遠去其餘不能去者保南山號小月氏所謂南山者一名天山一名雪山起武威歷張掖過酒泉逾燉煌走西域延袤數千餘里西羌種落多居於此

居延城

居延城。乃匈奴昆邪王地。漢武帝置都尉治張掖郡。即此。後使伏波將軍路博德于居延城築遮虜障。是也。霍去病涉鈞耆濟居延。遂過小月氏。攻祁連山。李陵將八百騎深入匈奴二千餘里。過居延。視地形。其後敗單于於此。皆臨此城。唐胡曾詩。漠漠黃沙際碧天。問人云。此是居延。停驂一顧魂堪斷。蘇武曾經十九年。則單于徙蘇武北海上。亦即此。元爲亦集乃路。有城亦稱亦集乃。城明初馮勝進兵破之。其城郭廢。

宮至今巋然尚存。其堂皇雖舊。而黃瓦琉璃鹿毛塗。墁猶可識焉。梁間勒至正元年重修六字。其餘漫滅不可辨。此塞北之絕無而僅有者。居延城東北有水。名居延海。元易名亦集乃。海判爲三。蒙古言哈班哈巴兒哈刺失三海也。其水雖衆流奔匯而汪洋不敵中原之小湖。然塞北涓流得之則生。弗得則死。亦何怪乎。見爲大不知其小。遂號爲百谷王哉。

受降城

三受降城者。唐之勝勢也。昔秦築長城。右扼臨洮。左



馳。碣。石。不。足。為。屏。障。兩。漢。之。後。頽。廢。殆。盡。幾。等。荒。邱。  
 唐。興。之。初。亦。未。暇。經。理。有。拂。雲。祠。者。在。河。之。北。岸。突。  
 厥。將。入。寇。必。先。詣。祠。祭。酌。地。形。雄。坦。控。扼。樞。會。往。往。  
 敵。伏。其。下。以。窺。域。中。迄。於。景。龍。國。無。寧。歲。後。突。厥。受。  
 降。大。定。於。是。朔。方。總。管。張。仁。愿。度。其。機。宜。請。築。三。城。  
 在。榆。林。衛。之。西。迨。振。武。節。度。使。張。惟。清。以。東。城。濱。河。  
 徙。置。綏。遠。峰。南。即。今。之。東。受。降。城。也。其。中。受。降。城。接。  
 靈。州。境。有。關。拂。雲。堆。在。焉。又。有。積。塞。軍。古。可。墩。距。大。  
 同。川。天。德。軍。二。百。里。川。西。為。天。安。軍。旋。移。屯。於。永。濟。

柵。即。故。大。同。城。也。城。北。有。安。樂。戍。黃。河。黑。山。峪。西。受。  
 降。城。為。河。所。圮。後。張。說。於。城。東。更。築。新。城。去。鷓。鴒。泉。  
 三。百。里。三。城。東。西。相。去。各。四。百。里。皆。據。津。濟。遙。相。應。  
 接。此。事。在。唐。景。雲。年。間。北。更。拓。地。三。百。餘。里。於。牛。頭。  
 胡。那。山。并。置。烽。埃。百。八。十。所。自。是。突。厥。不。得。度。山。寇。  
 氛。盡。息。唐。書。所。見。略。同。今。城。基。邈。不。可。識。而。拂。雲。堆。  
 及。明。之。東。勝。衛。皆。三。面。環。河。猶。可。指。即。河。套。地。西。接。  
 偏。關。抵。花。馬。池。

勝州

勝州戰國屬趙秦雲中九原漢雲中五原地即榆溪塞史記秦却匈奴樹榆為塞也隋初置勝州勝州之名始此煬帝廢州置榆林郡唐仍為勝州或為榆林郡後於河南置決勝州因名此為東勝州領縣二治榆林縣有故雲中城拂雲堆金河紫塞河自馬邑郡鄯陽縣界流入有榆林關縣西有漢五原城明正德中置榆林衛在延安府東北七百五十里即河套處朔北要關有黑山鴛鴦湖按今榆林衛即勝州榆溪之舊塞也重兵屯於榆林是為雄鎮東倚駝山西限榆溪北距邊堵南引銀州其城三面阻山一面臨水可謂天險北十里則紅山市漢夷互市處為款河套而開也今長樂建安柏林木瓜園及清水營黃甫川皆其地

塞北形勢如讀古蚪斗文字得其彷彿而已此獨援據遼史尋源竟委指陳略備它時一史案也陸成岑敬評

坤都魯

坤都魯在肅州西北七百餘里赤斤蒙古衛東北五

百餘里大漠平沙間之隙地人跡罕至其地四面環山。從谷口入有湖水青渟黛蓄與天一色。川有嘉魚。岸有榆楊大小參差其中枯朽盡百數十年物。四境之外禽獸繁殖。今蒙古罕頓無素奈爾定合首氣住牧。又有擺代拜彥赤依於此。

受宜堂宦遊筆記卷四十目錄

西陲 二

烏斯藏

回子

哈密

土魯番

瀚海

金塔寺

白塔兒

多巴

平定噶爾丹

平定青海

火器

火藥

哈密瓜

受宜堂富遊筆記卷四十

納蘭常安履坦著

男珉全校

琇

琦

西陲二

烏斯藏

烏斯藏古吐番之屬部也。在雲南西徼外。其地無城郭。居處羣聚。高樓土臺。曠野遼闊。少險阻。有瘴厲水。草多毒。人畜過其地。稍不慎。即中害。部族亦知耕種。

田禾有大小麥青稞豌豆蕎麥油菜數種更有萊菔巨棗味絕佳貨產旄牛獫驢石青礪砂琥珀璠璣而辟邪香試毒椀最寶貴鑄金為佛長寸餘名曰藏佛西夷蒙古極敬奉之國以僧為君長管轄部落曰大喇嘛能知前事或生死去來自由奪舍寄靈言前身事以為感驗諸夷深信向之焚香布施尊之如天有令合掌向地摩頂受戒者雖爵祿之加無以過之其餘喇嘛亦俱啖肉娶妻如飲茶食物則先瀝地而三彈指肉則捉刀自割多邈邈粗莽之態按元世祖以

喇嘛八思巴為大寶法王錫玉印尊號帝師明亦始終授職錫印賞賚尊榮不替迨我

朝

定鼎諸番咸奉聲教因仍前制賜封襲爵以統率番族初有達賴喇嘛者自言修行轉身已至數世威名震於西域厄魯特噶爾丹師事之及噶爾丹與喀爾喀仇殺無已於康熙二十八年己巳正月

聖祖仁皇帝賜敕達賴喇嘛往諭厄魯特喀爾喀盡釋宿怨仍前協好庶息征戰之勞免於敗亡之禍以冀率土乂安

共享昇平。達賴喇嘛遵

旨遣吉隆胡土克圖往說之。遣使不行。諭止。闌入汛界。搶奪人畜。以致我軍擊之。厄魯特大敗。遠遁。請罪。十一月。達賴喇嘛旋率西海諸台吉及噶爾丹等具疏。請上尊號。并貢禮物入賀。

聖祖仁皇帝以天地為心。軫念擾寇。遂降

旨。朕與達賴喇嘛期與撫育衆生。而使臣故違。遂至於此。朕心甚為隱痛。有何可賀。而受尊號乎。遂止其稱賀。將所貢禮物發還。訖三十年辛未。

上以達賴喇嘛向來恭順。噶爾丹事必其使臣及屬下通同

蒙蔽。非達賴喇嘛意。因

賜敕諭之。三十五年丙子六月。達賴喇嘛遣使至京。

上諭有厄魯特降人告知達賴喇嘛久已脫緇矣。理應報聞。以班禪主喇嘛之教。繼宗喀巴之道法。乃匿達賴喇嘛之喪。指達賴喇嘛之名。唆誘噶爾丹。朕屢遣使問之。第巴偽稱達賴喇嘛居高樓之上。不令與使臣相見。今遣使去。若仍誑我。使人不令相見。斷不輕止。明年二月。第巴疏奏甚恭。惟畏罪乞憐。矢誓貼服耳。於五十二年癸巳。

上諭班禪胡土克圖為人安靜熟諳經典勤修供職著封達  
 賴喇嘛之例賜給印冊為班禪額爾得尼至五十九年庚  
 子十月據定西將軍噶爾弼既平西藏之後疏報已  
 將策零敦多布偽受總管之喇嘛五名正法外餘九  
 十六名監禁請

旨奉

上諭以噶爾弼能遵循指授於從古用兵未到之絕域奮勵  
 誅逆撫綏人民官兵俱著從優議叙在案迨後策妄阿喇

布坦發兵往招殺害拉藏毀害佛教致陝西四川雲

南官兵振旅徂征干戈所向疆宇底定於雍正元年  
 癸卯平定西藏八月甲子奉

世宗憲皇帝恩旨著兵部分別議叙膚功未幾阿爾布巴等  
 將貝子康濟鼐擅行殺害

特遣大臣等領兵究問頗羅鼐聞大兵將至率眾奮勇前驅  
 直抵藏地阿爾布巴等力屈勢窮被各寺喇嘛拘執  
 欽差大臣將阿爾布巴等及逆叛餘黨悉行俘馘西藏寧謐

至附近帕爾城之布魯克巴地方人等起釁構兵互  
 相讎殺貝勒頗羅鼐與班禪額爾得尼使人一同前

往和解又能宣揚

聖恩頓使布魯克巴地方人等感悟息爭咸知輸誠向化各

帶部落來歸敬順無違是息兵革而保土地康人民而戴

帝澤是以

特旨嘉諭之班禪胡土克圖與達賴喇嘛齊名而儀表紀律

獨卓然可觀番寺之有清規者惟班禪而已大抵番

族皆愚癡好貨爭財男女淫亂罔知君臣上下之法

紀鮮顧廉耻惟解奉僧以供使令西夷之最陋者而

世人以為西方多聖賢世界極樂此豈非所謂純盜

虛聲者乎然因地制宜以其所素敬者即用以釋紛

解患俾令統率其頑愚彈壓其桀驁則又

聖明善馭之道無廣不覆也

回子

回教以事天為本流布遠近久而愈盛西域之國不

從釋者即從回故回人幾半西域與釋教並馳其時

令用天方國所造紀志以為正朔與中國異色尚白

凡服以白為吉青為凶男女皆纏頭能耕稼善商賈



官。邊。年。言。卷。四。一。五。  
所嗜惟牛馬羊。遇本教所宰割。則食之。漢夷所宰割。則不食。有禮拜寺。率眾禮拜。以為修行。有把齋之名。則終日不食。例以歲齋一月。星沒則齋。星見則止。大抵嗜好方言禮數文字。多與人異。而逞刁肆橫。不軌於法者。比比有之。今其人隨地皆散處。而在西陲甘肅間者。尤夥。其中拜官受爵。游登顯秩者。常不乏人。雍正年間。屢有言回民自為一教。異言異服。且强悍刁頑。肆為不法之

奏我

世宗憲皇帝洞悉回教。乃其先代遺風流俗。初非作姦犯科。

惑世誣民者。比於七年四月辛巳。

諭令回民之有教。無庸置議。復詳加

訓誨。當知率由禮義。講讓與仁。毋恃強而凌弱。毋倚智而欺

愚。倘自謂別為一教。怙惡行私。則是冥頑不靈。甘為異類。

欽此。仰見

聖教無類。湛恩汪濊。回民聞之。莫不感興戒勉。爭自洗滌。其

心則束身向善。日進於醇良矣。王者不易民而治。於此益信。

哈密

哈密古伊吾廬地去嘉峪關一千六百里漢明帝置宜禾都尉領屯田唐為伊州宋回紇居之元末以威武王納忽里鎮之改為肅王尋卒弟安克帖木兒嗣明洪武中既定畏兀兒復置安定等衛哈密懼始納款貢馬永樂二年封忠順王賜金印已而鬼力赤死其兄子脫脫為王賜玉帶脫脫旋為祖母所逐帝怒敕責其頭目由是脫脫得還立哈密衛脫脫卒從弟兔力帖木兒為忠義王賜印世守哈密王祖母亦數

奉貢後兔力帖木兒亦卒脫脫子卜答失里嗣未幾以下答失里年幼仍命故忠義王弟脫歡帖木兒嗣正統二年脫歡帖木兒卒其子脫脫塔木兒為忠義王後忠順王亦卒封其子倒瓦答失里為忠順王其時哈密之北瓦刺西土魯番東沙州罕東赤斤諸衛悉與構怨隣國交侵以是哈密不能自振其地種落雜居一曰回回一曰畏兀兒一曰哈刺灰天順元年倒瓦刺失里卒弟卜列革遣使告哀即封為忠順王四年王卒無子母弩温答失里主國事有迤北亂加

西陲二

思蘭乘隙襲破其城王母避走苦峪久之國人請立把塔木兒即脫歡帖木兒之外孫也八年把塔木兒子罕慎以父卒請嗣許之會土魯番速檀阿力又乘機襲之執王母奪金印去以忠順王孫女為妾據守其地事聞敕使征之攜王母金印返土魯番以罕慎克復之取還王孫女及金印因請罕慎為王時土魯番阿力已死子阿黑麻嗣偽與罕慎結婚誘殺之仍令牙蘭據其地是時阿黑麻桀甚屢抗天子命乃訪獲忠順王孫陝巴將議立之阿黑麻始懼獻還哈密

於是陝巴主國事擢阿木郎都督僉事阿黑麻又入哈密執陝巴禽阿木郎支解之牙蘭復據守後廷議閉關絕貢除陝巴封阿黑麻悔過送還陝巴歸哈密自是哈密乃安仍其舊封而土魯番亦修貢惟謹陝巴卒其子拜牙即自稱速檀拜牙即素昏愚性又淫暴欲叛中國其屬部奄克字刺不從拜牙即遂棄城入土魯番其先寫亦虎仙與滿速兒深相結故首倡逆謀已而滿速兒大掠邊境羽書交迫遂命師合奄克字刺兵擊敗之乃遁去執寫亦虎仙等繫獄於是

官述年言 卷四十一  
他族無可繼者而畏兀兒哈刺灰及回回俱徙肅州  
廷議哈密三立三絕今其王已為賊用民盡流亡未  
易興復惟嚴以禦邊而已自是置哈密不問後為失  
拜烟答子米兒馬黑木所有非復元裔矣其地饒富  
產瓜果多禾麥自土魯番屢擾之後地徑蹂躪鞠為  
荒陬我

朝

定鼎四夷咸臣哈密回長奏請入

貢世襲封爵有總領達爾罕伯克封為札薩克給與印信

偏置佐領十四人康熙五十四年策妄阿喇布坦侵  
哈密出師征之達爾罕伯克之子郭伯再傳至額敏  
授為札薩克封貝子乾隆五年額敏卒而玉素富嗣  
焉封護國公有舊城新城新城即康熙年間討策妄  
阿喇布坦時所築以駐官軍舊城即札薩克公所居  
其辦理回夷事務有理藩院部郎二員筆帖式二員

土魯番

土魯番一名土爾番在火州西百里去哈密千餘里  
嘉峪關二千六百里漢車師前王地隋高昌國唐滅

高昌置西州交河郡。且析以爲縣。有安樂城。宋復爲高昌。回民居之。元設萬戶府。明永樂間。其萬戶賽烟帖木兒遣使貢玉并番僧。清來率徒衆貢名馬海青。因欲化導番俗。授國師嗣。是朝貢不絕。後愈強盛。數侵哈密。嘉靖時。屢犯肅州甘涼等處。事見哈密記中。茲不贅。其地平行四面。阻山氣常暄煖。鮮雨澤。宜麻麥。饒瓜果。男婦藉以充腹。始則杏。繼則桑。椹椹未罷。瓜又熟。廢五穀。而日飫之。未見其病。有居舍多奉佛。婚姻自結於井畔。女汲水。男阻之。女意不愜。乘隙徑走。如允之。則以水滴男掌中。男遂行。聘父母無異辭。亦解讀論語周詩。至有博洽能通子史者。顧性獷悍。好剽掠。善反側。其西北有委魯。母土番者。尤狠桀。不可制我。

朝

定鼎累世。恭順康熙間。策妄阿喇布坦悖逆。既侵哈拉沙兒。漸及土魯番。頻加蹂踐。移於魯古慶避之。猶不能免。以致回民紛竄無定所。

世宗憲皇帝軫念遺黎。發官兵駐守。回目額敏和卓懇求內

命副都

附我軍亦因土魯番空城無人不便遠戍。統卓鼐搬移男婦九千九百八十餘人移於瓜州築堡授田以安插之。今則寧居樂業滋生日蕃自移居以來土魯番之十七舊城零落殆盡矣。

瀚海

瀚海無草無水地皆沙礫錯蕩一望漫漫杳無涯際。國語謂之郭閉西北郭閉最廣袤者二哈密至土魯番名杵庫哩郭閉廣七百餘里袤九百餘里喀爾喀西界名希爾哈郭閉廣五百餘里袤一千一百餘里。按漢書霍去病傳封狼居胥山禪於姑衍登臨瀚海。肅州志瀚海在柳城後漢班勇曾屯兵柳中即此蓋古車師前王地即今所謂杵庫哩郭閉是也其餘郭閉甚多不可勝紀但其廣袤不似杵庫哩希爾哈二處總之乏水乏草之沙地即謂之郭閉漢書注瀚海北海也殊不知其地斥鹵砂磧寧有鯨波鼉浪哉行者苦乏水草馬牛過此輒死大風倏起人馬相失凡往來軍士以及蒙古無不以瀚海為險阻然予以為邊外設或有瀚海周遭是無限中外不啻長城之保。

官遊筆記 卷四十一  
障胡人何能為之逆擾自古及今豈不保全生靈億萬萬耶

### 金塔寺

金塔寺堡去肅州西南九十里寺久傾塔今尚在然頽壞已極矣堡外插棘架木為衛蒙古北來者經雙樹兒渡水由桶樅灣順天倉河而至堡南二十里有鴛鴦池為番夷畜牧之地金塔去鎮非遙從桶樅灣而城之則凡瑣瑣林清沙河大阿窩無非內地矣

### 白塔兒

白塔兒在西寧西北九十里北川口西二十里地有塔以蜃灰堊之其色白故謂之白塔兒其土地沃潤產稷粟麥豆青稞其道路西域錯雜其牧馬駝犏牛犛牛羵羊羵羊其革貂鼠銀鼠白狼艾葉豹舍利猴元狐沙狐鹿麋牛羊其貨鑛鐵金鋼鑽球琳瑯玕瑣幅五花瓊撒黑刺阿魏哈刺苦綠葡萄瑣瑣葡萄阿芙蓉其皮及貨皆自西域至者非白塔兒所產但聚於白塔兒則甚盛也多巴亦然所居土屋平房木几木榻且有倉廩有小河激水轉磴於內地易驢以轉

磨漢回互處各為村落。弓矢佩刀未嘗斯須去身。漢多西寧亡命回。則各成其俗。共居於此。而黑番蒙古往來如織。以舊市於北川。今近於多巴。惟白塔為道主也。

### 多巴

多巴居然大市。土屋比連。其廛居逐末。則黑番也。出而貿易。則西寧習語之人也。馱載往來。則極西之蒙古與回人也。居貨為賈。則西海大通河之部落也。司市持平。則寨桑也。近而九曲青海大通遠。而西域天方皆在焉。豈特為蒙古之壟斷哉。中國之情形動靜。虛實道里險易。皆於是知之。夫西寧有市。自昔已然。趨市之人。四衛熟番耳。開市之期。歲只一月。今日日而然。四方重譯靡所不至。勢已成而莫更。例已定而莫革。惟在知者能善其後也。多巴其東南至鎮海五里。東至西寧五十里。北至北營川七十里。

### 平定噶爾丹

噶爾丹元之臣僕。其始祖額森子托渾。因擾亂元之宗族。離間蒙古。獲罪背恩。逃竄西北。旋又煽結匪黨。



肆行劫掠。固非馴良之種。越數傳。生脫穎台司。脫穎台司。生哈賴忽喇。哈賴忽喇。生巴都兒。是爲噶爾丹。父襲稱黃台吉。把都生六子。曰集欠。曰卓魯。火燒氣。曰把都兒。司曰宛冲。曰僧格。其幼則噶爾丹。噶爾丹生而不類。狂悖喜功。性尤殘忍。嗜殺戮。其父母視爲孽種。髮盡其髮。令往烏斯藏求佛法。師事達賴喇嘛。著黃衣冠。不學梵書。顧時時取短鎗摩弄。黃衣僧盡惡之。初哈賴忽喇娶後妻。生子曰七清。獨有寵。欲立爲黃台吉。然把都兒長久握兵。乃分所部屬七清。使居沙陀西偏。七清勇而善戰。捉野馬如騎羊。蒙古咸稱好漢。而豎一拇指。拇指者。喻爲第一也。雅不愛於昆弟。其天性有然。得引弓之士萬餘。勢日張。哈賴忽喇死。把都兒襲把都兒死。長子集欠襲。未幾集欠亦死。無子。以次傳僧格。皆居金山。七清部落日多。親黨甚盛。自稱爲黃台吉。僧格弗能禁。僧格同母兄弟獨噶爾丹。旣爲僧。益孤立無助。於是七清殺僧格。盡併其衆。奪其妻妾。噶爾丹聞之。入告達賴喇嘛。將行達賴喇嘛多密秘語。人不得聞。惟聞長歎聲。且曰。殺運。

方興汝乃出世噶爾丹遂下高樓釋僧服向金山去。初僧格死部落有逃而結聚者百十騎屯大磧遠望一人從東方來羣起控馬以待邏至近前則噶爾丹獨手提鎗衆審視驚喜乃下馬羅拜噶爾丹集合燼餘意在有為故部落聞噶爾丹歸稍稍聚千餘騎欲進衆曰兵寡地險姑稍留俟覺噶爾丹曰進汝第視吾鎗所向衆曰諾進次金山七清易之率萬騎接戰三分其軍馳向東塵翳障天日噶爾丹獨當先挺鎗深入斬殺百十騎潰其軍身不著一鏃七清退守金

嶺口嶺高轉石如雨下噶爾丹命更番仰攻衆莫敢往噶爾丹立斬寨桑身率二十騎先登遇七清入其軍手縛之左右莫敢當皆棄弓矢下馬伏降噶爾丹既奪金山乃招徠歸附東併綽庫兔吳把什萬餘騎凡附七清者誅之無遺類於是富庶甲西域而使命往來烏斯藏無虛日烏斯藏亦往往有黃衣僧過人咸莫測其所以及資用極備乃悉巧思精堅其器械作小聯環瑣瑣甲輕便如衣射可穿則殺工匠又使回回教火器出師持烏鎗短鎗腰弓矢佩刀載大礮

婦女願隨者聽遠近聞之咸攝服北則回子薩馬爾  
漢東則土魯番哈密諸國謀蠶食之甚至娶青海鄂  
齊兒圖車臣汗之女為妻又潛往青海賊害其妻父  
擄其屬下人眾所過無強敵堅城又東傳檄塞下分  
命所親信索囊王建兒台吉卓里圖合首氣台吉居  
瓜沙二州間控制各黃台吉且以訶刺喀爾喀乃西  
擊回子歲壬戌回子舉城降納噶爾丹許之歛兵入  
散處城中夜半回子外援至城中噪起應之內外合  
攻火光燭天噶爾丹部落皆潰走是時積雪平坑塹

人馬俱陷賊幾不可脫城中尾擊之死者無算惟噶  
爾丹子身竄遁其回子削辮奏凱辮至數駝噶爾丹  
經喪師後益鍊兵整戈使人謂回子曰汝不來降則  
自今以往歲用兵夏蹂汝耕秋燒汝稼今年未四  
十迨至髮白齒脫而後止城中聞之咸股栗門嘗晝  
閉其明年大破之回子許以和解於是益強盛計連  
年曾破回子中之薩馬爾漢布哈爾哈薩克布魯特  
葉而勤哈爾賽拉木土魯番哈密諸國其所攻取降  
服者一千二百餘城固習於戰鬪之國也噶爾丹有

侄名策妄阿喇布坦。分居於卜落他刺地方。以為應援。噶爾丹乃假以請命。達賴喇嘛竟行博碩克圖汗事。遂欲遠攻。遣伊族內微末台吉多爾濟查布。將喀爾喀汗台吉等。肆行凌辱。喀爾喀汗等怒彼狂悖。無禮。會衆將彼殺害。噶爾丹遂稱殺害伊弟多爾濟查布。與喀爾喀構隙。喀爾喀嚴為防備。未幾構兵交鄰。各有勝負。旋興旋撤。匪伊朝夕。恰值喀爾喀正集大衆。整軍以待。而噶爾丹分隊前行。使喇嘛以婉辭和解。蓋其大隊未至。欲作緩計也。不意喀爾喀入其彀中。遂散衆而歸。噶爾丹大隊既齊。尾追攻擊。喀爾喀為所敗。斃數十萬衆。喪亡略盡。噶爾丹乘勢鳴張。喀爾喀之汗等。諾顏台吉等。紛紛叩關求援。

聖祖深為軫念。施恩育養。遣使諭和。此時為噶爾丹者。苟仰體。

天朝。不忍生靈塗炭。敬慎恪恭。遵奉罷兵。息戰。令七旗共安。同享守土。自可終始富強。乃計不出此。而又闖入汛界。掠烏朱穆秦人畜。康熙二十九年庚午六月。

上諭兵部噶爾丹已進汛界。朕將親往視師。出征諸王出喜。

峰口公蘇弩等所領之軍隨朕行欽此旋聞噶爾丹已至  
烏爾會河

上將出師先遣理藩院員外郎阿爾必特祐達賴賚

敕往諭令其改圖恤之至也七月噶爾丹遣達爾漢格隆奏  
言喀爾喀吾讎也因追彼闡入汛界向在

中華皇帝道法之中不敢妄行此尚知惶愧懼罪辭意恭順  
上因賜來使宴仍賞賚并

敕諭之母妄行劫掠墮敗名教如天好生之仁蒞以加矣乃  
噶爾丹並不歸住牧所仍暗行窺伺於是

上命和碩裕親王聲罪致討大敗賊於烏蘭布通噶爾丹窘  
迫不免以致盟誓佛前永不復犯隨

恩宥班師而還後噶爾丹不自悔禍仍行逞強侵掠潛入巴  
顏烏蘭及納木札爾陀音之地逆謀叵測益肆披猖  
是怙惡不悛終為匪逆斷難一日姑容矣丙子二月

聖祖仁皇帝親御六師整旅徂征分大臣於東西將兵  
躬統大隊由中路入五月癸亥

詣克爾倫河賊知大兵抵境勢如壓卵力不能抗倉皇宵遁  
聖駕追至土喇河會大將軍費揚古以西路官兵截其後擊

官。述。年。言。九。四。一。  
敗。之。於。昭。莫。多。賊。勢。大。挫。斬。噶。爾。丹。之。妻。阿。奴。及。賊。  
渠。授。首。者。甚。衆。冬。月。復。駐。師。鄂。爾。多。斯。地。方。勦。撫。並。  
用。有。木。巴。什。等。率。衆。來。歸。其。餘。絡。繹。輸。誠。不。可。勝。計。  
而。青。海。烏。斯。藏。人。等。皆。爭。先。効。力。哈。密。國。人。又。執。獻。  
噶。爾。丹。之。子。塞。卜。騰。巴。兒。珠。爾。於。谷。文。行。二。月。  
行。在。噶。爾。丹。子。身。飄。遁。窮。無。所。歸。且。所。至。之。處。必。有。烈。風。暴。  
兩。災。異。頻。逢。驚。聞。大。兵。追。逐。反。復。思。維。無。計。能。脫。隨。  
於。阿。察。阿。穆。塔。台。地。方。仰。藥。自。盡。自。此。寇。氛。盡。滌。邊。  
圍。永。清。適。武。功。告。成。之。會。正。

太和殿鼎建竣工之日以此聲威萬國澤被遐方

文。德。武。功。中。外。咸。慶。至。策。妄。阿。喇。布。坦。素。與。伊。叔。不。睦。亦。逞。  
劫。掠。今。聞。

天。兵。震。慄。逃。至。土。魯。番。地。方。居。住。投。誠。乞。憐。故。作。與。噶。爾。丹。  
有。讎。之。語。冀。以。動。聽。宥。釋。

聖。祖。仁。皇。帝。深。鑑。其。狡。詐。第。未。肯。加。降。虜。以。刃。且。重。念。生。靈。  
兵。役。之。苦。遂。

赦。其。罪。而。褒。詔。及。之。凡。以。示。寬。大。而。欲。使。之。革。面。革。心。也。詎。  
其。初。力。弱。勢。微。感。同。

怙冒甚為敬慎其後離間伊之妻父圖爾古特之阿玉氣汗與其子三濟扎布誘三濟扎布攜帶萬餘戶至其地佔據之從此遂不安分因

命大臣

前往詢詰仍賜包容不即勦滅而逆胡罪孽滿盈旋遭冥誅其子噶爾丹策零者亦復梟獍為性總之準噶爾一部固知法紀性耽劫掠所以世世不軌幸永清大定之後

恩意羈縻其知所戢服矣

平定青海

羅卜藏丹津其先世顧實汗歸命已久畀以駐牧之處參雜番羗去甘涼甚近

聖祖仁皇帝

親御六師平定朔漠青海部落扎什巴圖爾等震讜承命奉差惟謹

特旨封為親王

兄弟八人咸錫爵祿以示寬大之恩也乃逆賊性賦犬羊心懷蛇蝎輒謀不軌陽奉陰違不特不知竭忱報効抑且反肆鴟張由漸而甚自策妄阿喇

布坦跳梁之後潛洩軍機秘為籌畫則其狂悖尤甚

且與同黨吹拉克諾木齊阿爾布坦温布藏巴札布

且與同黨吹拉克諾木齊阿爾布坦温布藏巴札布

等首造逆謀迫脅番羗侵犯邊城騷擾甘涼

聖上命該地方文武大臣聲罪致討

密授方略於雍正元年十月興師出塞自冬涉春屢破其衆

同叛部落望風摧敗招降數十萬衆又降其貝勒貝

子公台吉等二十餘人

聖上又密令大軍分道深入直搗賊巢凡搜巖剔穴不啻雷

掃風馳賊徒倉惶靡潰窮蹙失據於是渠魁受首擒

獲羅卜藏丹津之母及賊衆俘執累萬牲畜軍械不

可殫計四月十有二日以倡逆吹拉克諾木齊等三

人獻俘從此靖羗綏番烽燧永息中外人民咸登衽

席胥慶昇平矣此次軍興不數旬而凱歸告捷可謂

神速之至十月副都統達鼐阿爾什等領兵窮追直

至花海子拏獲丹津渾台吉及其妻子並招撫三十

三家台吉其餘附和之台吉等多被誅戮而羅卜藏

丹津輜重人口一無所存搜羅殆盡惟羅卜藏丹津

狡焉免脫藏匿準噶爾處是猶釜底之遊魚縱或偷

生於片刻豈能終免於身首之焦爛乎

火器



官遊筆言 卷四十一 三  
火器爲中國長技造作之多莫備於我

朝。施。放。之。術。莫。精。於。我。

朝。私。習。之。禁。莫。嚴。於。我。

朝。如。火。鎗。進。步。連。環。實。爲。無。敵。火。炮。中。之。紅。衣。衝。天。九。

節。子。母。西。瓜。俱。能。致。遠。無。待。多。施。立。即。取。勝。然。精。於。

火。鎗。者。十。中。五。六。而。精。於。火。炮。者。不。可。多。得。蓋。鎗。易。

於。持。放。而。炮。難。於。熟。演。也。如。素。未。熟。演。一。旦。臨。戎。心。

膽。既。不。練。器。手。不。相。習。差。之。毫。釐。則。高。低。遠。近。懸。絕。

是。以。炮。手。中。往。往。有。體。貌。卑。陋。精。力。欲。衰。者。不。可。一。

概。律。之。輕。易。革。退。當。究。其。經。練。如。何。倘。有。秘。傳。而。棄。

之。豈。不。可。惜。每。見。居。大。位。者。惟。以。弓。馬。爲。要。務。閱。至。

炮。手。即。毫。不。計。其。短。長。寧。知。得。一。人。可。匹。千。百。人。精。

一。藝。可。匹。千。百。藝。哉。

### 火藥

火藥重在提硝潔淨。春擣極細。試然鐵上。著火無滓。

而已。各省俱有存貯。又續增預備。可謂富矣。第舊存。

者。俱係合成。歷年久而硝性失。不足適用。予備員三。

省。俱爲大吏。每於武弁應領之藥。更換收存。硝磺灰。

料各自分貯以所貯舊藥令其操演而武弁屢以合  
成收貯為言不知配合難以經久且有火燭之虞臨  
時旋配旋用有何費手明正統景泰時往往以火器  
資敵不特盜甲馬匹已也設另為盛裝則也先輩何  
知其為藥哉

精深諳練之言不由諮詢而得實自妙悟中來每  
見邸抄中有火藥失事之處此中大經術何可不  
筆之書以覺迷

陸成岑敬評

### 哈密瓜

瓜州古燉煌郡以其地產美瓜故名瓜州其瓜大狐  
入其中食之不見首尾回民盛種以供食用而在哈  
密者尤佳大者呼回回帽小者呼回回眼甘鮮異常  
有夏秋二種熟於夏者名熟瓜摘下三四日即消爛  
成漿至其地者方知其味熟於秋者即名秋瓜易於  
收藏經冬不壞邊官取以進

貢京中亦間有賣者種法以苦豆枝葉墊土中培壅其根  
忌雨水自安沙以至肅州之金塔寺前所種皆稱哈  
密瓜然味遠遜矣

貢

京中所賣者。金塔寺產也。更有攜種至內地者。亦能蔓延發生。而瓜實益變矣。哈密瓜鮮食既難。土人往往剖瓜為條。乾之。以致遠。最甜。桃脯橘餅。弗能及也。

受宜堂官遊筆記卷四十一目錄

北路

天下晝夜時刻

鄂爾昆晝夜時刻

風

雨

寒暄

塞外屬陰

廣野山氣

夜寒

野行

大青山

黑河

沙漠水道

腦兒

挖沙得泉

溫泉

地勢高低

道路

西北二路方隅梗概

路程

迷路

失馬

臺站地名

瀚海臺驛以駝代馬

烏刺

鄂撥

受宜堂宦遊筆記卷四十一

納蘭常安履坦著

男珉全校

琇

琦

北路一

天下晝夜時刻

予宦遊雲南廣西。冬日不覺過短。夏日亦不覺過長。考時憲書日出日入。俱在卯酉。冬至晝四十一刻。十分夜五十四刻。四分。夏至晝夜互更。廣東一省。冬

至晝四十二刻四分夜五十三刻十一分較雲南廣西晝夜更無懸絕其大相懸絕者塞外肯忒山桑金荅賴湖冬至晝三十二刻夜六十四刻夏至晝六十四刻夜三十二刻竟是互相減半尤有甚者敬讀聖祖仁皇帝格物編黑龍江以北地方日落後亦不甚暗個半時日即出近北極太陽與地平週掩無多也欽此則夜祇一十二刻矣

鄂爾昆晝夜時刻

春秋二分太陽出入九州萬國俱同而由分而前則出入不同晝夜長短各異如丁巳歲二月二十日戌寅春分日出卯正初刻日入酉正初刻晝夜各四十八刻至二十六日甲申

都中日出卯初三刻七分日入酉正初刻八分晝四十九刻一分夜四十六刻十四分鄂爾昆至二十六日則日出卯初三刻五分日入酉正初刻十分晝四十九刻五分夜四十六刻十分較之

都中日出早二分日入遲二分則晝長四分夜短四分由是漸早漸遲遞至五月二十四日辛亥夏至

都中日出寅正二刻五分。日入戌初一刻十分。晝五十九刻五分。夜三十六刻十分。鄂爾昆夏至日出寅正初刻九分。日入戌初三刻六分。晝六十二刻十二分。夜三十三刻三分。較之。

都中日出早一刻十一分。日入遲一刻十一分。則晝長三刻七分。夜短三刻七分。是夜短之時愈短矣。八月二十九日乙酉秋分。日出卯正初刻。日入酉正初刻。晝夜各四十八刻。至初六日辛卯。日出卯正初刻八分。日入酉初三刻七分。晝四十六刻十四分。夜四十九刻一分。較之。

九刻一分。鄂爾昆至初六日日出卯正初刻十分。日入酉初三刻五分。晝四十六刻十分。夜四十九刻五分。較之。

都中日出遲二分。日入早二分。則晝短四分。夜長四分。由是漸遲漸早。遞至十一月初二日乙卯冬至。

都中日出辰初一刻十分。日入申正二刻五分。晝三十六刻十分。夜五十九刻五分。鄂爾昆冬至日出辰初三刻六分。日入申正初刻九分。晝三十三刻三分。夜六十二刻十二分。較之。

都中日。日出遲一刻十一分。日入早一刻十一分。則晝短三刻七分。夜長三刻七分。是晝短之時愈短矣。

風

塞外多風。四時無間。而狂鳴怒號。發屋拔樹。春冬尤甚。蓋曠漠無阻障也。時有黑氣一股。旋轉直上。野居帷幙。一時狂捲。至人馬被吹。飄忽不知其處。即世所稱旋風者也。又有黃風。紅風。黑風。勢如排山倒海。頃刻昏暗。咫尺人面不相覩。行者白晝燃燈。風之為厲甚矣。塞外地燥烈而無潤澤。皆風多之故。若值隆冬。

固能斃人。即春初秋殘。亦刮面削膚。不可當。夫風之神。曰飛廉。其星曰箕星。交州有風。母屈縣有風。山崑崙有風。竅黃竹有風。門宜都。佷山有風。穴術者有風。角之占。聖世無烈風之作。今塞外之風。無候亦無驗。惟躁熱之後。致雨之日少。而生風之日多。內地夏日南風徐徐。不可多得。塞外南風。設不加絲披裘。遂致感寒。語云。東南有靈雨。西北無好風。言豈謬哉。

雨

塞外雪多雨少。夏日鱗飛。不足為訝。而春初秋殘。斷



無瀉河垂布之勢。即雲行雨施。亦無過薄陰輕霽。旋雨旋晴。故往往日脚與雨脚齊行。雨氣與日氣交戰。十里之間。陰晴頓異。至行客遙見孤雲片懸。方共相指點。而神漿已集。馬首淋瀝。滿身急披雨具。而朱光滿野。則一刻之間。陰晴又頓異矣。欲如內地夏秋之交。連陰積霧。霖累日未嘗見之。又內地雷鳴。必在雨後。丁巳五月初三日大雪。初六日聞雷而無雨。點蓋雷聞百里。雨不破塊也。

末二語以經語註之。不特恰當。抑且韻甚典甚。陸

成岑敬評

寒暄

沙漠地冷。蓋由地勢高迥。空曠無阻障也。夏日晴則。煖陰則寒。日中則煖。晨夕則寒。三伏猶有披裘之日。至八月大雪凝凍。遍野抵三月始消。冬日非雪即風。寒氣凝結。從軍之人。有鼻破耳脫。手足凍落者。然非在在如一。低窪之處。雪易消。風易避。其寒暄又無殊。內地是以蒙古遊牧。夏日居此。冬則遷移。取其相宜也。如鄂爾昆新城。為最寒之地。近城左右。蒙古夏居。

者多冬則無一留者舊城去此僅二十里則又較煖。沙漠雖廣野無際而高低懸殊或凸或凹無數十里之平故寒暄不同至於大雪山小雪山經年雪積不消而哈密土魯番日曬石焦又豈非大相懸絕者哉。

塞外屬陰

塞外屬陰是以陰氣過盛寒冷底極驗之於天太陽輪行東南西三面獨不北行東南風雨雪西北風則晴驗之於地溪水逆流由東而西嶺樹陰多於陽驗之於人蒙古女子既主中饋又干外事酬應史記大

宛列傳自大宛以西俗貴女子女子所言而丈夫乃決正是女子為政由來已久故謂之陰地。

天地人三證既確且創復以史傳印之彌覺天巧

陸成岑敬評

廣野山氣

天地之氣細縕盪滴回薄變幻何往不有塞外或廣野或山巒有時宛然一女墻雉堞層疊高下有時參差樓閣淺深戶牖一一刻肖有時若禪院若真堂古木森森遮繞似遠似近欲淡欲濃日照則轉麗風吹

不復斷如抵其所便黝然一無見矣蓋內地陽燄猶有波濤奔馬之狀此地無際闊野人烟罕到蘊結離奇不足訝也然則識海蜃者百怪其說又豈誕哉

### 夜寒

丁巳長至前二日卓副都統福員外郎至寓坐暖坑小酌爐燒松明焰高二尺然火威為寒氣所奪交釀成霜裘帽沾濡與野行露居者無異坑底焚柴無間而坐氈氲氳如蒸又似新泥初燎人面慘淡肌膚生粟忽念及牧馬放駝之人適在曠野遂覺心更寒慄

擁袍公子莫言冷中有樵夫跣足行誰則能存此

念陸成岑敬評

### 野行

無風無雲之日寒威自減乃沙磧間忽有一片陰氣似雲非雲似風非風漸逼而前令人面刮耳削俄頃復如故是以塞外此地寒彼地不寒此刻不寒移刻又寒地固有異候亦無定矣

### 大青山

大青山在歸化城北二十餘里東接察罕兒界迤北

而西直抵鄂爾多斯以黃河為界北有數口皆通大  
漠高數十仞廣三百餘里袤一百餘里內產松柏材  
木遠近望之一色青蔥嵐光翠靄宛若畫屏考漢唐  
諸史五原豐勝無大青山之名惟後漢書五原郡西  
安陽北有陰山徐廣曰陰山在河南陽山在河北又  
遼史載豐州振武縣漢定襄郡盛樂縣背負陰山前  
帶黃河元魏嘗都此又明一統志及山西通志載古  
豐州境有黑山與雲內州夾山東西相連或大青山  
即古陰山黑山否耶又歸化城元延祐間修道碑載  
大青山為祁連山北人呼天為祁連金時邊外有天  
山縣因名大青山為祁連山考祁連山在陝西涼州  
未敢妄定也

以大青為陰為黑蓋亦松柏陰翳之狀隨時異稱  
要非河漢比極可以資博考

陸成岑敬評

黑河

黑河在歸化城東百餘里發源大青山東九十九泉  
經城南二十里流至脫脫城西南伏流入黃河又小  
黑河在歸化城南十里源出左右山峪西流四十里

官遊事記 卷四十一  
至紅津入大黑河未知即古紫河否

### 沙漠水

沙漠以水草爲天然地闊勢迴水道維艱凡有一泉一湍蒙古無不遊牧况溪河之浩浩滾滾逶迤千里爲億萬人畜所寄命哉按杭愛阿爾泰二大山也前後相連凡塞外之山非一山一名即疊至千層遠至千里者統名爲一如杭愛阿爾泰以起界處計之則數千里以交界處計之則前後相連也杭愛東北有泉三名估爾班烏里呀台又泉二一名察罕圖倫一名哈拉圖倫此五泉滙流成河名鄂爾昆河東北流

二百里至額爾等尼招猶華言寶寺也地有叢林因得名又二十里經新城東門西北流百餘里折而復東又二百里流至烏藍和碩與他米兒河滙合按他米爾有前後之名後他米爾亦發源於杭愛東山下有泉名轍克兔流四百餘里至帶爾簸爾與前他米爾河滙合前他米爾河亦發源於杭愛山下有泉名庫爾斯牙流三百餘里至帶爾簸爾滙合後他米爾河流二百餘里至烏藍和碩歸於鄂爾昆河此前後

他米爾河歸處也。又東流百餘里。至章莫爾。與土喇河。匯合。按土喇河發源於肯忒山。即時憲書所載之肯忒也。此山有泉四。一名土喇。一名黑魯倫。一名哈拉達爾。一名沙拉達爾。四水俱從韓山後流出。韓山即時憲書所載之韓山。險峻無倫。峯尖挺卓。如立蒙古。名曰汗鄂臘。汗華言君也。鄂臘山也。尋流千里。始至章磨爾。會歸鄂昆河。名曰章磨爾河。流三百餘里。與習靈靄河匯合。按習靈靄河發源亦係杭愛山東。有細流七道。一名伊得爾河。一名赤得爾河。一名枯倫布齊爾河。一名哈拉達爾河。一名貳吉兔察罕腦爾河。一名踢克羔爾河。一名估爾班忽爾海河。七流合一。名曰鄂輪布齊爾河。又有空女黑遂二河。歸入合流。總名曰習靈靄河。至綽合擺申。與鄂爾斯為界。又東流。遂歸烏龍江矣。杭愛山西有泉一名哦肯伊羅。流百餘里。至烏里雅蘇泰城。流一百四十里。至察漢叟兒城。遂名察漢叟兒河。歸於扎復漢河。直流西去。杭愛山西有泉二。一名阿魯忒。流百餘里。名拜達里河。一名曰札克。此二流分派。至估倫不其爾。匯歸。

官道... 卷四十一  
名。扎。克。拜。達。里。河。流。三。百。餘。里。有。貳。吉。兔。河。烏。塔。河。  
匯。入。流。一。百。餘。里。至。扎。克。拜。達。里。又。西。流。一。百。八。十。  
里。歸。於。察。罕。腦。兒。存。聚。杭。愛。山。西。有。泉。一。名。巴。延。哦。  
臘。流。四。百。餘。里。至。推。必。喇。名。曰。推。河。有。舍。爾。噶。昭。河。  
匯。歸。流。三。百。餘。里。至。大。雪。山。小。雪。山。適。中。之。地。哦。爾。  
滾。腦。兒。存。聚。腦。兒。猶。漢。言。聚。水。處。蓋。地。勢。西。高。於。東。  
東。流。以。達。江。海。西。流。則。多。阻。滯。此。察。罕。腦。兒。哦。爾。滾。  
腦。兒。所。存。聚。也。

腦兒

北方水之大者惟河統名之為河南方水之大者惟  
江。統。名。之。為。海。塞。北。水。之。流。者。名。曰。烏。蘇。譯。言。河。也。  
流。而。聚。者。名。曰。腦。兒。譯。言。海。也。在。在。俱。有。腦。兒。蓋。地。  
勢。高。低。相。間。阻。滯。不。流。非。如。中。華。高。低。有。節。次。也。

挖沙得泉

丁巳寒食前三日屯營於哈拉綽克依傍山溪溪涸  
汲井凍結甚固鑿之無所得遂欲廢炊予笑曰得毋  
禁烟以酬節耶趨眎之冰堅地狹難施斧鑿予令井  
側掘沙未盈尺即涓涓濺滴不啻迸玉跳珠轉睫間

源源一脈清冷不絕。予及僕從十四人。同伴十二人。俱足敷用。或問前日亦冰井。令鑿之。果通舊脈。今禁勿鑿。乃掘沙而得新泉。何故。予曰。前日井側無山。結凍未堅。故知易取。今井在山阿。冰堅地狹。鑿之無益。然山泉非止一脈。流行詩曰。有冽沈泉。沈泉者。側出之泉也。挖沙而得。理有固然。於是攜歸烹以佳茗。不啻金山惠泉風味。未識陸鴻漸過此。當作何品題也。

凡事莫不有理。即此亦格物之一端。

陸成岑敬評

### 溫泉

博物志。凡水泉有石硫黃。其泉則溫。三秦記。驪山湯。可以去疾。消病。觀此溫泉。不獨去垢。儘可療疾。古人以溫和得宜。俱推驪山。予以滇省安寧州為第一。且滇南不獨安寧。處處皆有。而宜良邑尤多。過烈者。村人以之澗雞。擇豕。頗有所資。昔以為南徼地。煖。故多溫泉。今至塞北。苦寒之地。溫泉亦不一而足。如厄爾得尼招之南。八十里。名呼濟爾圖。有溫泉。一蒙古斷木為池。任人沐浴。吉爾麻太。面南一百三十里。名格格蘇木。有溫泉。一亦有數池。塔彌正南五十里。名哈



拉烏蘇有溫泉。一哈拉華言溫也。烏蘇華言水也。又名阿爾善烏蘇。華言聖水也。以其地近大營。依水構房。便於沐浴。此水東流。至三道河。始合別流。為一二道。河之三溪。凝冰不流者二。不凍不涸者一。即此溫泉之下流也。然則山有硫黃。其水即煖。豈關地之寒暄哉。土居蒙古。一生不知沐浴。如有疾病。亦知就浴於溫泉。

地勢高低

天下之大。自章亥步而後。知廣狹。自神禹平而後。知

險易。然地勢之高低。不可以臆測也。如自

京師而趨江。浙江。淮河。漢。滙集。聯絡。以赴於海。最為窪

下。自

京師而趨塞外。沙岡。磧壘。登步多。而降步少。雖人知其

東南低於西北。從未有識其相去幾何里。而筆之於

載記者。我

聖祖仁皇帝親征噶爾丹。

駐蹕喀魯倫地方。曾用儀器。驗北極之度。臣安敬讀

御製文集。喀魯倫比京師高五度。以此推算。乃一千二百五

十里欽此則塞外之高概可見矣。如自喀魯倫而趨西北，其相去更幾何里，豈可以臆測哉。

道路

人皆言胡地曠邈，廣袤萬里，縱橫馳驟，無所阻礙。且逆胡突然來去，捷如風雨，甚難堵禦。然逆胡非數萬騎，不能大舉。不可一日無水草，而沙磧水草可供數萬騎者，尤難。故彼必覘便利，然後擁騎而前。其無水草處，固不能以饑渴駝馬致數千里也。是以北徼繇亘萬里，逆胡所必經之地，不過數條。須訪其從前所經目，今水草如何，前後有無山澤，隔絕馬駝行走，利便。否則必由之徑，可以枚舉。乃統領之員，每以塞外一望無際，並無山林沮澤，不為遍行踏看，詳細籌度。此大不可解也。孫子曰：知天知地，勝乃可全。豈謬語哉。

胡之利在馬，馬之利在水草，而水草必覘地勢。即此可知。曾中兵甲行邊，扼要之圖，定不可草草忽過。陸成岑敬評。

西北二路方隅梗概

北路一

古

軍興以來凡大兵屯駐進勦分西北二路其西路嘉峪關之內外遠近道路人人了然惟北路荒沙萬里形勢如一未易悉其遠近予詳考輿圖復細叩留心程途之人始得梗概試以南北方隅相向言之北路鄂爾昆與肅州相向肅州在正南扎克擺達里與嘉峪關相向嘉峪關在正南鄂倫布拉克與布隆吉爾相向布隆吉爾在正南烏普薩腦兒與安西城相向安西城在正南諾爾沙扎海與哈密城相向哈密城在正南科卜多與巴爾坤兒相向巴爾坤兒在正南阿爾泰與土爾番相向土爾番在南微偏西伊里在哈拉沙爾之西北在鄂魯姆齊城之正西伊里去西路近去北路甚遠乃準噶兒數犯北路者蓋地闊無所阻隘故也

路程

塞外路程未經丈量並無里數問路者蒙古以鞭指之鞭頭低指路僅一二十里平指路三四十里如揚高之則寫遠一二日之遙如以幾日可到則以一宿二宿為言宿亦無遠近以有水草蒙古居處即為宿

是以里路無確數止可記其地名地名俱胡語大概以山川形狀或以何木何草及鹽礫之屬名之或有聲名之人曾居其地即以其人之名名之

迷路

塞外沙漠一望彌漫數千里不見垠際惟恃識路者導引之如偶離隊伍即迷失方向不得不馳走其中所經絕無高山林壑惟磧礫培塿處處相似是以愈趨愈遙而歸路愈絕况當陰風怒號障沙四起更難識辨終日不逢輪蹄之跡人困馬疲飲食無所得往

往以是槁身大漠其有慣行塞外之人當其初迷輒登土坡坐不復前行俟有行人過則隨之去然五六日不逢人無以充飢渴則亦罔有生理矣昔齊桓公北伐山戎迷失道管仲曰老馬之智可用也因令放馬前行隨之遂得歸李廣與大將軍衛青出擊匈奴迷失道致違節度恚而自刎由此觀之則知塞外大漠之迷人雖一軍之衆亦時不免而况孤踪踽踽可不慎諸

失馬

漢張騫使西域得大宛馬以獻謂秋風起首蓂肥則馬羣茁壯是以內地多栽首蓂而近日喂養必加豆草馬始蕃息若予抵沙漠見夫曠野千里朔氣凜冽逼人寒暄黯然而堅冰在地馬鳴蕭蕭不特無水草之逐抑且毛卷如蝟四蹄凍結若礪礪不能前進較中原之馬奚止霄壤哉一統志火州地皆沙磧一遇大風則行者人馬相失北史王皓北征乘赤馬旦霜重遂不復識自言失馬及日出馬體霜融乃云我馬尚在此種情形確乎時遇所謂沙暖冰消人尚有墜指裂膚之虞可想見其苦寒矣

臺站地名

宣化府張家口外設臺起由東南而西北直至鄂爾昆共二十九臺臺之遠近不等就水草而設也辦理臺務或部署或官員率土居蒙古馳送奏章公文由鄂爾昆至阿爾泰山又十八臺臺之外又次第設置瞭望偵探之所其臺務係蒙古台吉率領蒙古章京辦理當大兵進勦之際其務俱係旗員辦理設置臺站亦多今大軍既撤二十九臺之外俱更以蒙古按鄂爾昆至他米兒駐建城兵由他米兒至扎克擺達

里建城其程途俱自東而西抵察罕搜兒駐兵始偏

北而行經過地名曰達闌圖魯曰齊克齊察罕布兒

哈蘇曰鄂倫布拉克曰察罕布兒哈蘇曰烏普圖曰

空谷羅厄倫京兵曾扎曰搜機希伯圖曰達巴海此

有大海名烏腦爾非經爾沙扎海曰它羅灰烏闌

阿林名山曰諾兒沙扎海曰它里布拉克曰科卜多畢

拉名河曰科卜多大兵建曰索烏克曰索烏克畢拉名河

曰厄勒磨和圖達巴罕名山曰虧吞噶羅圖畢拉名河

布隆兒畢拉名河曰布隆兒曰鄂爾羅達巴罕名山曰阿

兒泰此山名山之最大者以此為界準噶爾所爭者即

曰薩哈兒巴什達巴罕名山曰他爾巴哈台畢拉名河

顧爾班克爾曰納思克畢拉名河曰他爾巴哈台撥兒

齊拉曰厄爾啓思畢拉名河曰巴爾哈腦爾海坑額爾

畢拉名河由是西南曰厄古登達巴罕名山曰察罕枯機

爾曰紀兒哈孫齊巴哈都蘇曰烏闌呼機爾曰磨海

克倫曰烏里雅蘇台畢拉名河非建城駐兵之烏里

里雅蘇台在察罕搜兒之東北相去一百六十里曰布魯兒畢拉名河曰阿裡

媽圖撥古渚克畢拉名河曰察齊爾畢拉名河曰烏孫呼

機爾曰呼機姆烏蘇曰羔扎姆曰罽羅賒哩曰波羅

他蘭曰哈普達海烏闌齊撈曰干珠哈布拉克曰枯

色姆孫色欽曰察罕腦兒海名曰鄂兒扎濟圖布媽曰

他兒奇達巴罕山名曰他兒奇達巴罕昂阿曰扎克圖

曰伊里即準噶爾游牧處自坑額爾畢拉起俱向西

南行至此已近西路其西路之鄂魯姆齊城

在伊里之正東土魯番曰伊里畢拉河名伊里之

在鄂魯姆齊之正東曰伊里畢拉所由名也自

口至鄂爾昆行向西北鄂爾昆至扎克擺達里行向

正西擺達里至察罕搜兒行向西北察罕搜兒至阿

爾泰行向北微兼西至坑額爾畢拉却行向西南是

伊里去西路近於北路也

瀚海臺驛以駝代馬

瀚海斥鹵磊磧無水無草難以牧馬惟生鹹蒿庶可

飽駝出口自十六臺起地名穆呼魯噶什温譯言苦

寒地至二十臺止地名革土爾多羅譯言連七山頭

俱養駝以代馬凡乘驛往來無論文武何官乘駝而

行素未相習騎跨艱難然舍此不能前往至於賚送  
奏疏公文亦以駝馳所限時刻竟與馳馬無以異按  
山海經云湯光之山其獸多橐駝善行流沙中日行

官送... 三百里負千觔。今驛以駝馳日行三百之言為不謬也。

隨處必衷諸載籍史之所謂非好學深思心知其意未易為淺見寡聞者道也。  
陸成岑敬評

### 烏刺

塞外行軍之際設立臺站緊要公務始騎臺馬其餘俱騎烏刺無論是否軍旅之差遣祇以執驗票文為憑槩可騎載或發自理藩院或發自軍營將軍或發自蒙古之汗王如理藩院將軍文通行四十九旗及

五十七旗蒙古汗王文止行於該部落執文者途中無論遇何人馬駝輒取而騎載次日別取迭更謂之烏刺馬日需食羊亦無論何人之羊輒取而恣啖謂之烏刺羊並無開銷一如曩昔里民之派累也是以遇有烏刺差役蒙古舉家驚悸有涕泣哀訴者其駝馬原主謂之烏刺赤即作公役代為牧放又臺站牧馬之人亦謂之烏刺赤即驛站之驛丁也按輟耕錄載馮士啓為雲南宣慰司令史公差抵站日暮又行數十里見一物如屋所謂烏刺赤者下馬跪泣比曙



抵前站。問此為何物。曰馬蟻精也。

平叙其事。只以如里民派累一語橫點中間。則讀

者便可領悟。陸成岑敬評

鄂撥

塞外山巔集石成堆。或大如穹廬。或大如房屋。名曰鄂撥。乃喇嘛蒙古堆壘。以為山神所憑依者。經過其巔。凡所攜之物。無論多寡。必擲置堆中。行者不敢取其旗幟鎗箭之屬。委積甚多。近來內地人往來。亦神其神。或遺以米撮。或棗栗二三粒。或銅錢一二文。如無物可遺。投石一二枚。亦謂之功德云。

中華僧人每於佛座前置一匱。竅其上。募人投錢

始知是喇嘛之賸技。陸成岑敬評

解

故時畏其如人類故  
中華前人有米無  
國其子慕人財



程